







槎菴燕語序

作危語者。雷奔電激。直破人意中。
事。掖世扶教。則又似申命自天。鉄
鉞隨其後。爭避之。不願相向作語。
或心披則眼語應。或神告則形語
承。或生語而以軟媚御之。或語出

聖賢。且以兒女咕囁耳語相酬也。
語者如弦。聽者如韋。急急焉。徒以
自危。危不可。急不可。則惟有閒而
已。燕語何甚閒也。閒之爲道。最適
自語。自告。督之。而不苦。舉凡有性
命之憂。禮義之好。觀天人變化之

妙游古今得失之林者。一聞其語。
無不於無人知處。自薰心香。自迸。
急淚。較丁寧告戒者。倍爲吳入。固。
知槎菴燕語。淵默有雷聲焉。人人。
願以意中事。自獻太史。亦旣言之。
矣。抵掌于大庭者。或拊心于幽室。

閉藏于衆對者。或洩露于夢言。則
無語之微旨乎。

仙臞何偉然題

廣快書卷一

西湖何偉然仙臞纂

延陵吳從先寧野定

槎菴燕語

來道之太史原本

凡情想上做工夫。皆爲炎。上。皆是苦。因。故曰炎。
上作苦。凡根本上做工夫。皆爲稼穡。皆是甘。因。
故曰稼穡作甘。

蠶爲繭而身化其中。故能入而復能出。蛛爲網。

而身居其外。故可進而亦可退。

吾見有爲生計者矣。未見有爲死計者也。吾見有爲子孫計者矣。未見有爲身計者也。

萬物皆吾有也。况身以內乎。此身非吾有也。况身以外乎。

人身決不可閑。閑則病生。人心決不可閑。閑則生病。

悔過者。要尋過之起頭。遷善者。要尋善之着落。

若有天堂。卽是自慊底影子。所謂心廣體胖者也。若有地獄。卽是自欺底影子。所謂如見肺腑者也。

人心能一物不畱。自萬物皆備。

養其外而鑠其內者。衆庶之生也。重於內而輕於外者。賢人之生也。內外一如。神形俱化者。聖人之生也。

得失之事。必輕於生死。性命之憂。必重於功名。

謂夢之身卽此身乎。何以奔逐者。非所卧之身也。謂夢之身非此身乎。何以哭泣者。卽所卧之身也。

魚生於水。離水則死矣。可以出入於水而運用衆水者。其惟龍乎。人生於世。離世則死矣。可以出入於世而主宰萬世者。其惟聖人乎。

閨闥無間言。何妨煩議。私居有慙色。烏取遊揚。有存有亡者。氣也。故爲不死之說者。必先於養。

氣無存無亡者心也。故爲不生之說者。必本於明心。

瞬息之頃。卽是千秋。跬步之間。卽是萬里。

見太虛以內無一非知。是爲致知。見太虛以內無一是物。是爲格物。

爲善去惡。善惡之念未除。無善無惡。有無之見猶在。

立言者不必其異乎人也。無異則無不異矣。用

言者不必其同乎已也。無同則無不同矣。

嬰兒之初生而哭泣也。有戀戀於生前者矣。病者之將絕而依回也。有戀戀於死後者矣。

世緣未能遽絕。要時時有疏水曲肱。簞瓢陋巷底意思。世事未能頓除。要時時有富貴浮雲春風沂水底襟懷。

爲師者有纖毫可以授人。皆爲邪師。爲學者有纖毫可以受人。皆爲邪學。

有之而後有我者。卽是根底之門。有我而後有之者。皆爲贅疣之物。

無所挾而來。是爲赤子。無所戀而去。是爲大人。易盡者歲月也。無事而消除。是爲負天。有限者福祿也。無故而暴殄。是爲負已。

人於自心上悟得透。則上下古今皆爲故物。人於自心上打得淨。則窮通得喪。真是浮雲。怡顏對妻子。卽是俯仰無慙。燕笑有弟兄。何必

英才多育。

參道理須別具肺腸。閱古今須自開眼目。

有可以建天地者。天地亦助之。有可以質鬼神者。鬼神亦避之。

抵掌於大庭者。或拊心于幽室。閉藏于衆對者。或洩露于夢言。

君子未嘗無邪念也。隨起而隨滅。則日月何虧。小人未嘗無正念也。明知而明悖。則禽獸不遠。

無病之身。不知其樂也。病生而始知無病之樂矣。無事之家。不知其福也。事至而始知無事之福矣。

然燈者。火盛則膏竭。而此心何獨不然。用財者。費廣則囊空。而此身何獨不然。

自知難於知人。自信難於信人。

樂護人之善事者。每多善緣。喜發人之陰私者。必有陰禍。

達○生○勝○於○尊○生○逃○世○淺○於○涉○世○

使千人知我。不若使一人之知我也。使一世知我。不○便千世之知我也。

學道不是迂圖。治生亦非俗事。

燕遊者惟恐韶光之不足。百年瞬息。卽一日之韶光也。行路必欲資糧之有餘。一念迴光。卽千里之資糧也。

夢覺總非本體。迷悟亦是空言。

緩步以當車。晚食以當肉。是處貧底藥方。日行不愧影。夜卧不愧衾。是做人底樣子。

居事內者。不宜輕信是非之口。居事外者。不宜輕發是非之言。

古制重恒產。故設不種桑麻之罰。今制重恒業。故嚴不務生理之條。

君子當使人忠我。不可使人恕我。

聖人不能必天下之無小人也。而有防小人之

方。不能必天下之皆君子也。而有引君子之路。官雖至尊。決不可以人之生命。佐已之喜怒。官雖至卑。決不可以已之生平。佐人之喜怒。

君子之氣。不可使其隳。小人之思。不可使其越。受苦之身。卽是受樂之身。失意之事。卽是得意之事。

飛走之類。人之所偶殺。而必與人避者。審於利害也。雞豚之類。人之所必殺。而反與人狎者。昏

於參養也。

居山林而好聞朝市之言。其炎涼特甚。處濃艷而強爲枯寂之態。其鄙厭彌增。

衲衣蔬食。矢志焚脩。及探其隱衷。則羅剎爲之避席。高睨闊步。託名道學。稍窺其行徑。則臧獲爲之覷顏。

絕世之資。必不如專門之夙習也。獨得之見。必不如衆議之參同也。

難○親○勝○於○易○合○面○諛○甚○於○背○非○

世○路○違○順○之○境○貧○難○而○富○易○家○庭○骨○肉○之○間○貧○
易○而○富○難○

我○無○所○求○於○人○則○飲○啄○自○便○人○無○所○忌○乎○我○則○
矧○弋○不○生○

天○下○無○人○不○足○爲○吾○害○者○也○難○防○之○人○卽○易○忽○
之○人○天○下○無○物○不○足○爲○吾○累○者○也○易○捐○之○物○卽○
難○割○之○物○

輕於遷徙者其資具必寡。厚於積畜者其顧慮必深。

日日貪鬧熱。冷靜到來如何過得。時時貪快活。辛苦到來如何熬得。

貧賤時不可輕於受恩。當思酬報之難。富貴時不可濫於市恩。當思應付之難。

與朴實之人交。必無根本之虞。與輕薄之人交。必多離構之事。

讀書不必多。有益於身心。卽是好書。處友不必
泛。有助於德業。卽是好友。

閉門靜守。不防儒素之風。廣納徇名。終有路岐
之嘆。

誦詩讀書。簡編訂千古之交。種花養魚。林園具
四時之樂。

晏起必致妨功。晝飲最能敗事。

食期充腹。多宰殺以何爲。屋止庇身。窮高華而

無益。

嫌隙不必念也。曷若與之相忘。口舌難以爭也。不如俟其自悟。

天下無不可格之人。但恐誠心未至。天下無不可爲之事。只爲立志不堅。

天有定數。人不能與天爭。人有定理。天亦不能與人爭。

君子之待小人也。不可不寬。君子之處小人也。

不得不嚴。

今日忽然作好人。則前日之非。如已醒之夢。今日忽然作歹事。則前日之善。如已染之絲。

事事井井。可覘有用之才。念念惺惺。乃爲任道之器。

眼中不見一不好人。終是糊塗。生平不作一皺眉事。方名受用。

是非宜定于事先。得失宜置于事後。

聽斷之官。成心必不可有。任事之官。成算必不可無。事忌非常。物嫌太盛。

古人有失意則怨天。今人有失意則怨地。故多遷葬。古人思得意則求人。今人思得意則求鬼。故多禱祀。

興利除害。皆當以漸。興利太急。恐失萬全之計。除害太急。易生不肖之心。

得意而驕溢。蓋緣童心未除。失意而悲嗟。只爲

世情未破。

心欲遠而身欲近。行欲高而氣欲下。

無一事可以不學人。無一事可以酷肖人。故義

獻父子而書法不同。機雲弟兄而體裁各異。

凡事較之最苦則樂。一生聽之有命則安。

庭闈簡寂。定是名流。笑語喧囂。必非佳士。

思慮不必遣也。只要問所思慮者何事。交遊不

必絕也。只要問所交遊何人。

衣冠學時態。直是難堪。談論拾唾餘。深爲可厭。
意外之憂患。寧可信其有。意外之毀譽。寧可信
其無。

事上見得徹。則一時之浮議。不能惑也。胸中持
得定。則一時之浮氣。不能動也。

貴不居于五福。見崇高非養安之地。弱卽列於
六極。見威武無可弛之時。

堯典一書。三凶在朝。歸訟在庭。頑傲在野。尚有

混沌之風蓋三皇之季運也。舜典一書誅四凶。
辨幽明嚴黜陟已成開闢之象蓋三王之始基
也。

周官建極之書也。皇極無偏故首置三公。皇極
無黨故次置三孤。

武王之勇過于成湯故太白之誅無慙德。伊尹
之權重於周公故桐宮之放無流言。

崇侯讒夫也。于商則爲忠臣。祿父叛孽也。于紂

則爲孝子。

管子分金自予三歸之始基也三戰三北請囚之故智也知我者鮑子豈其然哉

夫差之失不在荒淫而在圖霸伯嚭之罪不在玩寇而在偷安

范蠡之滅吳爲楚復讐也志隱于包胥伍員之寄子爲已祈死也事同于士燮

畱侯之辟穀畢竟是枯寂中人也以爲能免禍

患○汾○陽○之○窮○奢○畢○竟○是○豪○侈○中○人○也○以○爲○善○保○
功名○

項○羽○之○刎○烏○江○虞○姬○教○之○也○呂○后○之○睨○神○噐○高○
祖○教○之○也○

韓○信○不○念○登○壇○之○拜○而○念○解○推○之○恩○黥○布○不○喜○
淮○南○之○封○而○喜○供○具○之○盛○故○黿○羹○可○以○亾○身○而○
壺○餐○可○以○得○士○

吳○之○子○敬○甚○有○戴○漢○之○心○漢○之○雲○長○原○無○予○蜀○

之意。

蜀漢中山之後也。于劉氏爲疏屬。而三國予以
正統。蓋功由於諸葛。南唐憲宗之支也。于李氏
爲近派。而五代列之竊據。蓋罪坐於齊丘。
晉人談易而合以老莊之書。故易之理。彌晦。宋
人闢佛而陰用教外之旨。故佛之說。彌昌。
荆公之新法。難辭於舛也。至其人品。未可深非。
秦檜之怙權。莫追於誅也。至于和議。又當別論。

房州之主尚存。故爲梁公也。易崖山之舟已覆。
故爲文山也。難。

怨尤之念。必不可有。悔悟之念。必不可無。

髣語序

海內交堅之先生者。僉謂水月內
印。珠露外圓。想見其人。恨未讀其
語。及得碣石宮髣語。讀之。行地皆
水。萬川皆月。甘露灌頂。而明珠繫
衣也。將納世界於水。觀中五濁俱

淨更何有烈士。濺人之血。英雄悲。
天之淚乎。寓庸居士所云。獨知獨。
喻。啞子之黃連。共醉共醒。醫王之。
大藥。得髣語之解矣。讀其語。方人。
人心下。烏用與世爭乎。然觸蠻攻。
於角端。罔兩走于白日。鐵騎寶刀。

皆○置○無○用○况○能○以○舌○下○齊○城○其○究○
得○喪○交○戰○形○影○皆○疑○夸○父○追○窮○終○
至○渴○死○又○何○如○乘○雪○襲○蔡○飲○酒○以○
奪○崑○崙○夢○言○不○洩○之○爲○得○也○然○惟○
升○沈○鏡○之○蚤○斯○于○世○默○足○以○容○升○
沈○之○鏡○則○惟○有○髣○髴○語○在○舍○此○卽○齒○

落○粲○花○與○世○不○入○塞○翁○之○馬○似○乎○
戲○人○徂○公○之○狙○幾○于○弄○世○白○眼○非○
投○俗○之○具○黃○金○無○買○心○之○資○其○能○
作○白○蟬○生○歿○寸○幅○中○乎○莊○生○齊○物○
猶○落○第○二○論○已○

仙驪何偉然題

廣快書卷二

西湖何偉然仙臞纂

延陵吳從先寧野定

碣石宮鬢語

阮自華元本

序曰。蓋箕山潁川。嫉末之痼。不容其世。申徒
狄鮑焦。屈原之儔。至不自容其身。此皆忠志
危行。五不還之侶。義學之士。以爲古人之高。
河漢其言者也。何況俗學淺流。與夫厚生耽

譽甘心徇之者哉。是以太史公三嘆而大莊
賈爲齊物也。吾觀齊物論。鵬鳥賦。殆亦苦不
能容。若無可奈何。欲令和選同塵。尻首同身。
挫生死。解得喪。逍然無惠違耳。不知一期之
世。百齡之身。皆彼我俱感。圓澄海中。微業緒
風。泡明影晦。何所爭是非也。故二乘取寂。猶
曰偏知。真君立宗。適爲翳本。有本則非真有。
真則非主。樹敵而距。何日偃戈。避者目逃。幾

乎。走影任。則漚和。巨壑恐。至教。猱守。則雕琢。
空。華外。尋真首。影弄小兒。連環不釋。世路之。
升沉如故。賴耶之貪。恚日臻。非夫人之爲慟。
而誰爲。予生強仕。餘啄百罹。坎壈一身。俶嬰。
世網。斗食海嶠。逢彼艱難。奉課金臺。顧瞻岐。
路。濁淥有恨。蒿蔚無功。倘祝獨憂。十虛同跼。
傷蟋蟀之短生。驚蟪蛄之難息。於時暑假。徘。
徊宗鏡之旨。憬然有哀。遂仰尋見聞。切以所。

晤。或感事而申義。或觸情而通本。得則題之。
四壁。一以塞永日之畏。一以暴知非之悔。友
人黃徵君貞父見而賞之。令次第錄過。不復
點竄。本取就正。不知爲不知也。本言號語。因
起蠡緣。聊用自紓。垂成警策。事本下學。身在
世間。故仿最初四十二章之目。

鄙聞范冠蟬綏。鵲巢鳩居。壹其勞者。不必永其
逸。善其事者。不必利其器。然與疑而均。謬方並。

圓而同滯。是以道曰強名。儒言退義。四海兄弟。誰爲藏怒蓄怨之心。朋從爾思。未覩暑往寒來之致。

鄙聞情感攸物。往不能返。物觸傷心。興不可匱。空階絡緯。非啼紈袴之妖。媒翳鷄鷄。豈校文心之悴。謬者忻爲有覺。惜者貪爲可致。是以憂來無方。解之玄覽。悅滋難闕。割以道揆。舉念塵生。鋒始戒於犯和。按指發光。陟竟齊於艮背。

鄙聞覺無改寐。紉徽纆以連環。果匪晤因。循栩
栩而遽遽。心無鄉而有徑。靈公先千載以易名。
智可用而無功。罔象後重淵以獲珠。是以投者
匪宅其會。穀者不揉其機。兕虎無情。率彼曠野。
麋鹿有命。制在庖厨。

鄙聞厲風澄沼。見波靜而水搖。繁沫清暘。豈明
空而暗室。非所蝕國。終宵恒星。雖最濁池。不傷
淨濕。是以空華萬疊。徒海印于覺王。幻障千岐。

可赤心于唯識。明者知翳卽眼。青卽爲光。進人
逃捨若塵。離何殊卽。

鄙聞傳燈怖日。故知解之避宗通。抱米吹砂。故
圓人之廢輪止。但恐啜菽飲水。不弛服勞食饌
之歡。責善證羊。何取幹蠱蓋愆之子。是以得尺
得寸。帝業遵于近攻。日就月將。溫故成其師旨。
惟心淨土。可無淨心作土之功。得兔忘罟。豈是
守罟待兔之士。

鄙聞黝房息影見鄉之罔兩千羣箝口匿言意
闕之電光萬指顛一而倒五合蔽三而虧一隅
是以金鉉移鼎不移其身明珠照乘不照其裏
聖人有體而萬物同憂至人遺心而大千共體
鄙聞穿衣喫飯釋曰道真飲水食疏孔言樂在
乃有晨興掇領萬種揶揄食至含舖千途竊語
是以斷羹有味非忘曲蓋之心淡而不厭乃告
玄酒之旨盛衰會於首尾榮哀應其生死四勿

無奸。天下歸於克復。一眚在前。瞻明傳之。聶許。
鄙聞。伎倆前奮。不揣蟬雀之淵。磔裂內嚴。忽廢。
大槐之火。我亦大矣。懷不自容。乾坤大矣。惡能。
容我。是以袒裼裸裎。不浼翫世之質。上下四方。
同歸絜矩之所。知我者天。無聲無臭。知我者希。
呼牛呼馬。

鄙聞。火能茁土。宰堵之植。叅天。風能立水。海運。
之濤。擲嶽。始匪質用。有作者莫與其功。居並氣。

銷無窮者不朽其德。是以樹敏地道。興大用於
蒲蘆。星拱辰居。踰立虛於北極。元聖以存過成
功。至人以無爲得。一事法界。本無思無議之
天。拳拳服膺。蓋不覩不聞之力。

鄙聞德如可久。三靈之史。無文生若可延。萬世
之秦靡宮。羈蜃陰以甃圯。若爲登瀛。紉卯毛以
索絢。誰能縛空。是以千駟欲奔。牛山哭而不救。
尺波可駭。川上樂之罕窮。莫薑之拯。萬尋等之。

寸木。殤子之壽。朝聞可以旦終。

鄙聞爲富不仁。盜貨所嗤。勢利使戕。賊操所嘆。然而如仁未懈于三歸。兩賢不解於一戰。莫非執名爲實。保似成真。蝸翼待影。鐘鼓期聲。是故投淵洗耳。猶非前境之亾。後獲賓名。尙紓絕待之旨。空華起滅。誰能手獻於尊親。飲水寒溫。不可喻言於妻子。

鄙聞不疾之速。通不資感在我之益。求則得之。

豈知智有無事而行。巧歷莫窮其致。法有不求
乃得。五官誰任其思。是以浩浩其天。不越大本
之立。憧憧爾慮。初無過此之知。密貴洗心。寂有
易之三德。聖高察邇。孰察予之二奇。

鄙聞公輸瑁珪。不及顛當之密。燭陰衡炬。猶譬
照乘之期。智侔神而蔑及。微有巨而難思。是以
仁爲天下之歸。定於一日。誠著難揜之訓。體於
不遺。法界周舍。無內者。初非博約。心量弘溥。無

外者不可思議

鄙聞成質礙虛。義著緣生之寂。疑情等夢。學嚴
指視之形。故夫煨石歛灰。上德起經綸于草昧。
狐鳴蛇哭。蚩民困成敗。以譌真。豈知兩是同非。
儒有不釋之辨。千形一性。法無傳相之名。是以
慎獨無偶。在思慮之未動。居易有術。由仁義而
非行。

鄙聞十居同土。本無色外之心。三毒並真。何籍

惑前之智。然攀緣既熟。故太末有入火之焚。俱
生難忘。故上賢須拄杖之豫。是以煮沙算海。當
蚤擇於入流。雲行雨施。必考旋於撒手。文侯珮
犢。養士先資。言令割鷄。絃歌基始耳。觀不住斯
一解於六。心鏡有宗。歛三祇於一指。

鄙聞銳匪摧堅。力由賴細。大焉普鎮。功在體全。
故因指明宗。博乃成于五教。別傳見月。約無當
於一言。是以鄰虛遊刃。則微塵莫逃。其觚歷太

空作鑑。則有無皆屬於爾。炎圓通常處。安有迷
悟之期。聞思修者。終非智識之賢。

鄙聞靜女淑姬。不能陽近死之日。兼金尺璧。不
能畱一往之心。須化則造化有權。尙志則趙孟
無能。是以夢幻未明。故諂殉於玉匣。麻麥自信。
則脫屣於金輪。法報六通。非轉他家之物。孔顏
四勿。惟爲克己之仁。

鄙聞薄澣用浚。色瑩臭惡。止戈爲武。殘去嗔容。

然既擇於處輕難辭解脫之勇藥除於病已敢
忘蓄艾之功是以仁人心也而慎獨用嚴誠自
成也而致曲是攻悟人慧眼三乘卽是白牛學
地初機五戒謂之真龍無偏滿而不圓日非局
競但行窮而底宿水必歸東

鄙聞赫暑留颶不墜窠房而拂簞祈寒怖朔不
紵絺綌以祛風乃有建構他想尋伺本心則嚙
霾零于太空焉圓寥廓殷搏躍于境海豈望澄

清。是以當已則克。故事半而功倍。惟天何言。曰
時行而物生。無思無爲。乃有遂通之感。不聞不
睹。嚴乎率性之真。

鄙聞正能依所。共一報之無明。業動轉現。同二
生之月影。雖無明海。卽浮性現之漚。居仲月光。
止是滌滌之映。纖巨性融。空通覺淨。是以了心。
大士一往天旋。垂手高明。萬行海運。邁行種德。
必蹈仁之不死。誠樂反身。適來時而去順。

鄙聞四蘊本無阿鼻。戾始自欺。千門並是醫王。
劣生岐慧業新。後有反藉口于酬因。依報前成。
或戀償於不匱。莫不增毒泥途。誰克歸循性類。
是以五十知命。伯寮其如予何。一貫當呼。門人
疑其何謂。若果命言無性。蓋興廢以誰將。如其
一曰唯心。則忠恕而已會。

鄙聞建淨圖止。適雕空以作室。擬穢定祛。則召
賦而用兵。五陰當體。無明何爲立所。三支本來。

無覆安用求真。是以月雖第二海。本圓澄海。染則月稱淨。蓮華喻在羣蒙海。淨則月爲染海印。歸于世尊。凡我有心。卽此岸以寂滅同觀。無性分渡河于淺深。

鄙聞晷師正景。不隨西與之歆。聖士齊行。不遜東門之譖。造深之得靡搖。知止之心自定。何則。言聲無相。茅鴟之嘯若啼。知見立知。盤瓠之愛同憎。是以前境若亾。罪福起而亦滅。內心不喘。

墻壁堅而成靜。

鄙聞小智師大。欲其不迷。大智師小。欲其不遺。
蓋主善無定。將聖學于不賢。德音不遐。神武嚴
於綴衣。美似盡而猶未。歸有同而或殊。故芻蕘
不詢。安渙疑於畧杓。法雲旣徧。爰灌頂於軍持。
是以普門聖人。景前修於一乘。遮那覺帝。歷後
得於三祇。

鄙聞機應而完。故礪百解而愈新。法燬而竑。故

輪萬方而不癰。師以相物成智。學以幽通致遠。
是以航泰碑而亂水。負贖無功。構漢臺以馭風。
公輸失敢。矩不斂鑿。繩無曲衍。一音遐暢。徧祛
千界之迷。半偈纔宣。已備三祇之緩。

鄙聞武安善息。櫻厥慘於杜下。李斯怙終。來其
思於東門。若此以爲多殺之孽。猶難辨於禽毛。
若彼以爲仁義之妖。復何辭於觀盟。是以五十
學易成知命之上聖。解紛齊物。謂去化之真君。

閱世知數。聊爲濯德之場。達本反流。必屬了因之人。

鄙聞搏風戢翼。習因未舉之年。歷塊識途。問匪知津之狀。故結使未破。同七聖以俱迷。鞭影已符。偕雙花而並放。是以一唯可得。呼曾氏以明宗。微笑弗疑。付飲光而不讓。針鋒旣挂。劃爾情銷。海墨欲傾。儵焉辭喪。

鄙聞飛鳥之跡滿空。亥焉能步。四廂之官各始。

曠莫能可。按之萬古而不遷。思之一毫而必左。
是以度垣知響。洞方之視。成疑灑。揭望梅擊水。
之雄爲說。至矣天載。位育致成於中。皇哉浩然。
萬物皆備於我。

鄙聞涇非渭濁。徒乏水清之珠。山不簣登。惟恃。
愚公之坂。故春回水泮。歛與露晞。秋至寶成。漸。
焉稼穫。志均則造極匪殊。力齊而底績相埒。是。
以一乘頃覺。剎那之際。猶三四諦初觀。恒沙之。

旨已澈身不墮而成一往。知苟弊而無作輟情。
冰凝執與簷凌以俱銷。道樹古芽共階蘭而並。
茁。

鄙聞勇保於專。智銛於取。巧者無尋丈之手。而
削崇臺於九成。明者無膏肓之察。而洞秋毫於
萬里。故有燎燼山而頌容自如。霆折柱而管城
相倚。然則坦懼非物。合離由已。偏歷百城。住剡
吉之座前。斷取三千。納淨名之芥子。

鄙聞天不可縵。赫戲之星如鐸。地非有足。峯外之嶺。偕馳軒渠。則聽改垂。曉而視移。然則所緣盡於帶質。性覺誰能自渝。神者受之。介葛之他心匪具。所旣妄立。法空之自耳相欺。當知十號萬德。總是一真之印。殊途百慮。盡同纖芥之迷。鄙聞璣綴璇規。就前就後。流函巨壑。誰澠誰溜。故千部齊音。不謬四聰之合。萬珠異貌。參羅釋網之暉。是以天映澄潭。雲物與太清比澈。界融

法○照○奢○摩○同○蘊○濁○平○虛○不○祛○妄○而○會○真○乳○水○匪○
喻○解○全○波○之○卽○水○克○復○非○機○

鄙○聞○洞○垣○忍○土○者○疊○孔○中○夏○兼○王○百○億○者○秋○頴○
南○洲○佛○壽○量○時○頂○居○無○策○界○恒○沙○數○隸○首○難○周○
然○乃○音○舛○文○齊○豈○非○創○車○於○神○廡○類○乖○智○印○足○
明○絜○矩○於○靈○郵○是○以○覺○皇○馭○實○於○牛○車○刹○標○知○
有○素○王○尊○虛○於○龍○德○象○建○辰○遊○微○嘆○而○啟○別○傳○
終○非○斷○滅○杜○口○之○門○不○二○始○滙○羣○流○

鄙聞一超入地。五苦如髮。二我未空。入微爲命。
豈知毛端不取之。照千界同光。僧祇諄語之。因。
錙銖若印焉。有純鏐畏沙。清珠惴塗。悲音暫觀。
化熱海於珍蓮。智相成圓度。黑風於燭陰。吹光。
割水之質。不謂奇身。冰煬花落之機。具同心應。
鄙聞怫悅難捨。窟拔青蛇。結使多勞。蜜除蜉蝣。
忍奢摩而精實相。蠹吸鎖牛宅。那伽而潤金剛。
蛙升塗觝。是以均天蹈刃。遜超海於中庸。亾所。

人流。直升玄於彈指。全一反流。三祇於焉囊括。
發真歸元。十虛爲之垣垓。顯微見隱。環歸慎獨。
之緣。頃漸始終。一揆宗鏡之旨。

鄙聞兵懣在志。叢殺彌天。阱險自謀。陳欺匝地。
豫章肖種。而參霄塼埴。反緣而異器。所以不崩。
不騫之福。至若川臻。溶銅灌鐵之鄉。延於阿鼻。
是知先民偏性以善。實出愛人。明王作禮防淫。
本非強世。已登轉物。間應量以被機。未極還源。

反涉圓以成滯。明星億品在踐寶而提宗。法華
一乘。必閱年而授記。

鄙聞大亦曰乘。蓋洪池之撮號。圓同名教。斐萬
派以成章。故蒲昌寶邊。潤物濡於阿耨。金剛際
底。大葦浮於濫觴。然則餐麥受珠。何晷非法雲
之地。出花指腹。無方非淨觀之場。發第一心。螻
培險阻。成希有業。雜珮羣芳。行在孝經。敢避喪
家之狗。思齊善逝。豈云跛坂之羊。

鄙聞學易無過。玄聖斯懷。兼患無窮。如來所欽。
故井幹駕而凌風。檐若垂山之重。舩舫成而赴。
水颶如馳。葦之輕。善事利器。良工苦心。是以專。
氣致柔。谷神御天之矩。身安心易。鴻儒涉世之。
珍。百千萬門。道凝至德。三十七品。緣起無生。
鄙聞養心寡慾。乃集百靈。克已歸仁。早防四禮。
瓊賡漏金。先饑庖易之腸。大阿棘緱已裂。頌飛。
之手。是以鳩毒謂之宴安。莽蜂戒乎信使。殄咎。

者。適於覺明。全一者。功於亾所。四方八表。咸光
精一之心。三明六通。悉闡涅槃之旨。

鄙聞摹鵠以疵鳳。蓋宋儒之訕釋。繪羊以鬻豹。
亦俗士之佞禪。剋體而溜湮。皆非。隔膜而霄壤。
相懸。然譏稱臧否。人每易心。禍福毀譽。天亦反。
言。故開士惟觀其當下。妬人但工其苦緣。爲身
他受用。非狃坦蕩以抑情。夫我則不暇。豈甘枯
槁以赴淵。

鄙聞榮奢倣國。罔祛牛夢之愆。慘覈麋軀。尙韞
綈袍之德。種齊花果。萬肖不遷。麻染熏蕕。經時
難歇。是以一貫呼而子輿唯。知二猶熒。如來召
而曼殊應。三賢匪接。取種惟十。上士嚴於擇因。
祇劫有三。智人遡於補闕。

鄙聞奘流寫器。分淺深遠近之顏。滯響聆音。變
驚喜悲歡之籥。始信水無正色。刀火隨觀。聲卽
圓成。名文匪確。炎色奔鹿。受則望梅。鳴受知牛。

想窮繫角然則若婁若菲知非異域之令譽采
苦采苓盡是覺城之妙藥圍匡暴蹶寧渠奮戟
於絃歌醉象饑鷹首念悉檀於畧杓恣爾譏讒
毋予錯愕請助妬人之工各遂在中之樂

鄙聞檀戒以祛二我止觀衷於一心解結在中
匪羈提於歌利登高自下豈藉翮於焚輪所以
無上法王花傳笑旨大心開士鏡表宗名不遷
不怒之賢矩成不較無思無爲之聖魏誥無言

幻伎可呈。偏舞珍池之樂。鳴喙已合。靜聽金粟
之音。





